

Inatsisartut Suleriusaanni § 37, imm. 1 naapertorlugu matumuuna Naalakkersuisunut apeqqutit imaattut saqqummiuppakka:

- 1. Kommuneqarfik Sermersooq Namminersorlutik Oqartussat tamakkiisumik ilaannakortumilluunniit suliffeqarfiutaanit Kommuneqarfik Sermersuumi inissisimasuni, ukiuni tallimani kingullerni (ukiukkaarlugit tulleriiaarlugit allattorlugit) sulisut akileraarutaanit qanoq annertutigisumik isertitaqarpa?**
- 2. Naligiissarinermut najoqqutassatut siunnersuutigineqartoq malillugu, Qeqqata Kommuneanut ukiumut 12 mio. kr.-nik naleqartussasoq atuarparput, Qeqqata Kommuneanit qanormita tamanna nalilerneqarpa?**

(Inatsisartuni ilaasortaq Anders Olsen, Siumut)

Tunngavilersuut:

Nunatsinni kommuneni atugassarititaasut naligiinnerulernissaat anguniarlugu, naligiissarinermut najoqqutassatut siunnersuutigineqartoq kommuneqarfik Sermersuumiit Naalakkersuisuniilli assortuussutigineqartoq arajutsisimanngilarput.

Kommuneqarfik Sermersuumiit ilaatigut tunngavilersuutigineqartarpoq namminneq kommunenut pissakinnerusunut akiliutigisartakkatik naammareersut akerlianillu Naalakkersuisut isumaqarlutik, inuiaqatigiit suliffeqarfiutaannit akileraarutitigut isertinneqartartut inuiaqatigiinnut agguanneqartarnerat nammaqatigiinnerusumik ingerlanneqartariaqartut.

Taamaattumik paaserusunnarpoq Namminersorlutik Oqartussat suliffeqarfiutaanni Nuummi inissisimasuni tamani sulisut akileraarutaat qanoq annertutigisut (mio. kr.) Kommuneqarfik Sermersuup isertittarnerai.

Siunnersuummi pineqartumi atuarparput naligiissarineq Qeqqata Kommuneanut 12 mio. kr.-nik naleqassasoq. Siunnersuutigineqartoq Qeqqata Kommuanit qanoq qisuariarfigineqarnerasoq tusarneq ajoratsigu, paasersunnarpoq siunnersuutiugineqartoq Qeqqata Kommunianit qanoq isumaqarfigineqarnerasoq Naalakkersuisunit ilisimaneqarnerasoq.

Apeqqutima ullut qulit iluanni akineqareersimanissaat kissaatigaara.